



Uunga
Múte Bourup Egede, Inatsisartunut ilaasortaq
MAANI

**Perorsaasunut isumaqatigiisummik isumaqatiginninniarnissaq pillugu § 37
naapertorlugu apeqqut nr. 084/2020-mut akissut**

Inatsisartut Suleriaasianni § 37, imm. 1 naapertorlugu perorsaasunut isumaqatigiisummik isumaqatiginninniarnissaq pillugu Naalakkersuisunut apeqqummik nassiussivutit. Apeqqut uannut akineqartussanngorlugu innersunneqarpoq.

Naalakkersuisunut Apeqqut:

**Naalakkersuisut Aningaasanut Inatsimmut 2020-moortumut
isumaqatigiissutertik malillugu, NPK-mik akissaatinut
isumaqatigiinniarnissami - Perorsaasut - atugaat malunnaatilimmik
qaffaaviginiarlugit siunnerfitsik piviusunngortinniarpaat?**

Maanna Namminersorlutik Oqartussat Kommunillu kiisalu illuatungaani NPK akornanni isumaqatigiissutissamik nutaamik isumaqatiginninniartoqarnera uppernarsarsinnaavara. Pisortat sinniisui Isumaqtiginninniartarnermut Isumaqtigiissuteqartarnermullu Ataatsimiititaliamit, Namminersorlutik Oqartussanit Kommuninillu sinniisuititat ilaasortaaffigaanni, piginnaatitsissut suliarineqartoq, kingornalu Naalakkersuisunit akuersissutigineqartoq, naapertorlugu isumaqatiginninniarnernik ingerlatsipput. Piginnaatitsissut isertuussaavoq, taamaammallu Naalakkersuisut maannangaaq taassuma imarisaa pillugu erseqqinnerusumik paasissutissiisinnaanngillat.

Politikimik ingerlataqartut isumaqatiginninniarnernik naqisimaneqanngitsumillu isumaqatiginninniariaatsitsinnik, annertuumik sulisartoqarnermi illuatungeriit namminneerlutik isumaqatigiissutinut tunngasunik isumaqatiginninniartarnerannik ingerlatseriaatsimut ataqqinninnissaat tamatuma saniatigut sakkortuumik kaammattutigissavara.

Inussiarnersumik inuulluaqqusillunga


Vittus Qujaukitsoq

Brevdato: 04-06-2020
Sags nr. 2020-9686

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl